

四庫全書

子部

欽定四庫全書

子部

星學大成卷二十一

詳校官監察御史臣邱庭澍

靈臺郎臣倪廷梅覆勘

總校官進士臣朱鈺

校對官中書臣潘庭筠

謄錄監生臣李崇實

欽定四庫全書

星學大成卷二十一

明 萬民英 撰

三辰通載

天首羅睺星

總龜算法置積日加五百六十以六千七百九十四
逆遊數除之逆遊數別列上位記之其餘不盡者為
殘分以五因之却加入上位逆數二以九十三為一

度又不滿者八分秒

平行一日行五分三十七秒

羅暎論

羅暎為天首星配屬火之精黃旂黃道之宿也一名
蝕神隱行於天其行宮度有喜怒一宮一年半十八
年行一周天逆行天道喜則為天統星怒則為天傷
災網星遇交於晦朔弦望能掩日月之光為之薄蝕
天地犯之崩裂山嶽犯之傾頽川澤犯之枯竭至於

雲恠星妖冬雷夏雪未有不由此也此曜不能興善
好作妖孽主血光傷破斬截凶殘寒熱瘴氣身命犯
之則有成湯之旱帝堯之水文王拘於羑里夫子厄
於陳蔡司馬遷宮刑左邱明失明賈誼之賦忌鵬李
斯之嘆黃耳聖賢猶不免此庸人見之更有惡星同
宮乃為六極之人一曰凶折二曰疾三曰憂四曰貧
五曰惡六曰弱若入廟則為貴格

癸生人以為祿主星 甲生人以為魁權星

乙生人以為囚星 丙生人以為印星

丁生人以為催官刑星 戊生人以為貴星

己生人以為蔭星 庚生人以為耗星

辛生人以為福星 壬生人以為暗星

此星廟在午樂在卯旺在辰好在酉喜在戌怒在申
琅玕經云權星守要最難遭晝日陽宮近貴豪張角
度中身顯地昂星宿上武名曹又云餘宮限內多為
福陰位無災禍必消更有變凶為吉處宮當十一自

榮超馬嘶龍躍值羅睺卯酉還來戌上求同日陷妻
并害父雖居廟旺亦多憂賦云羅睺在命位至五品
殊勲若得紫木同宮照視可為雄銳貴品主人特達
慷慨火土字相會多主權刑躁暴公吏掌殺妨妻廢
祖貴則威權賤則傷刑若獨行廟樂之宮照臨者則
大貴六癸生人土為天官主祿水為科名與之同宮
則大貴

羅睺歌

羅睺性格最為高形相猙獰膽氣豪不奈是非無妬

毒日生陽位始堅牢

羅睺性格最高形相猙獰有膽氣不奈是非無妬毒好日在陽

宮逢廟地有操持榮加旌節有旗旌富貴只宜官位

立陰宮私合苦煎熬

羅睺在廟地有掌權加旌節之榮宜官中立身若在陰宮熬居

凶日月會時人見蝕須憂父母死難逃

羅睺為蝕神與日月會則

掩日月無光謂之蝕故主尅父母也

金會助權好兵武更防因色病成

癆水到財多逢盜賊本來才調好風騷

與金會好兵武因色成疾

木到財招盜

土逆四肢不具足火扶好殺弄鎗刀兄

弟不宜財破蕩四宮賣却祖東臯

與土同更逆四支不其足火同好武

喜殺二宮損財三
剋兄弟四破祖業

子息位苦啼號六宮妻本名春桃

羅睺在五宮剋子
在六宮以妾為妻

妻位妻權中主剋八宮擲撲定須

遭

七宮妻有權主剋妻
六宮主擲撲之災

福德天亡并絕嗣相貌為軍

是此遭

在十一宮主天亡絕
嗣在十二宮主為軍

羅睺一宿名天首若在高強好飲酒如逢吉曜共扶
持必有重權來到手○羅睺元是貴權星只憂土字
與同行廟樂二宮為福德他宮重疊犯官刑○羅睺

元自是權星甲戌方中起大刑除却廟堂兼帶旺縱
饒為福也無名○何以羅暎號天首只為凶星為福厚
凶星福厚人未知寅卯午宮分外奇○九星活曜梟天
首太陰同宮人物醜寅宮卯土午三辰專主此星為
福厚○命宮官祿若相逢必定其人身在公若被字
星來照着一生刑責累遭凶○荊州更及雙魚宮兩
處臨之更不凶若是貴人相遇着定持兵印作元戎
○白手成家自買田只因天首氣聲聯若非寅午并

天蝎賣與他人不要錢○大凡福德與羅睺一生陰
德旺田牛或若對宮逢此宿子孫名譽冠神州○午
人午上值羅睺置產生錢及外州更得孛星臨帝座
子孫佩印更封侯○惟有羅睺能起福婦人失位招
夫祿不在寅午并卯宮子酉二方當納粟○帝座尊
星人未知或為日位或生時惟有羅睺并月孛此星
相見十分奇○羅睺雖說是凶神若使單行迥出倫
對合更無刑戰忌威名端的冠朝臣○首曜於人性

不和善星不助惡尤多平生好作欺人語壘斷無圖
奈若何○天首當生所在宮限如逢此有威風不能
為禍終成福若在高強更有功○天首從來怕夜生
更居凶位伏屍名若非死在陰人手即是征人奠旅
靈

羅睺臨喜怒宮

喜宮為天權天統星主形神瘦薄為事通達慷慨其
星利君子不利小人值木金土更見祿馬主重權之

位官職清烈若無五星相協只着五星體格得地皆為貴人若無救星更作八煞入西沒宮多為僧道兼主災只是不利入人身宮須主險難兼母居疾又主暗昧若遇水火二宿更見祿馬便為一品之貴身命逢之無祿馬救星有十二般惡病若單照人身身即有不測事一則危險之厄二則六根不具三則母居惡疾免此者須減爵而極貧窮怒宮為天傷災網星凡人遇之主一生稟性愚昧若照人身命只可為僧宜

在公門為人孤獨多招不測災此星宜在命與八煞
官祿宮為公卿員郎方可壓如是庶人主牢獄之災
處世貧窮不堪照身宮主三般危險之疾一主暴卒
二主水火三主血疾若無此主短壽貧賤之徒

羅喉躔宿俱出玉關經玉關歌

羅躔角宿號天模 性直機謀出衆徒

家道自如心莫妄 運限扶持事可圖

羅喉角同行 居辰禍不生

五陽居正位

正位則尊榮

羅喉度分到鄭鄉

角木星臨喜此逢

不在遷移并八煞

命宮福位保安康

貴格云首曜來躔龍角上

誅鋤姦黨理朝綱

羅躔亢宿號天般

心性藏物也洵寬

機權特達人欽羨

晚年衣食恐難安

亢宿龍宮居

裸體衆星殊

百星皆畏謹

亦是五陽居

羅暎生殺有威權
亢宿居之三品官

水若同行操大柄
不臨四正亦堪言

羅躔氏宿號天攜
命若逢之必損妻

頭男頭女終須尅
資財却免散東西

氏屬卯羅逢
抑鬱又終凶

此身不顯赫
縮首福皆空

威權才勇是羅暎
最怕躔宮氏宿遊

官位逢之終剥職
凡人值此主徒流

貴格云首躔過辰氏宿度 上將封侯食萬戶

羅躔房宿號天從 大富資財膽氣雄

文武兼全官五品 兵刑之任福偏濃

房宿正屬卯陽宮 行到東華氣銳雄

羅首日華須振領 來朝陽位不為凶

羅睺權要最難遭 房裡生人定貴豪

遇日逢之官位顯 少年必是賜衣袍

羅躔心宿號天辰 巨祿高才出衆人

巧計多知人果毅 威聲遠播四夷賓

心為大火明堂位 人君布政在心宮

羅到此宮主孤獨 更兼強暴甚貪蒙

首星一曜號黃襠 心宿度中甚美觀

火與同宮威武志 性情偏急夜生寬

羅纏尾宿號天畋 命裏逢之有重權

上將論功心好殺 何愁此地不為官

尾首火雖安 首號天府官

武職官入閣

遷移更孤单

忌地如何却躔羅

為緣暗曜必多磨

不是六根當破相

將來風疾恐難逃

羅躔箕宿號天聰

廟旺之宮祿早逢

百萬兵師歸統御

金吾位上及三公

箕好水同遊

羅箕可封侯

若木同度立

木羅壽更脩

箕上權雄得遇羅

資財蓄積貴而高

衣錦還鄉人慷慨
木如同位有權多

羅躔斗宿號天磨
命若逢之福來多

智慧機密能出眾
也須財利帶奔波

斗屬丑寅方
羅逢福祿清

見此為福曜
獨好兩宮行

天首不利居斗蟹
性緊無常主妖恠

臨妻必是座中亡
居宅祖財多破敗

羅躔牛宿號天韉
剛毅能為主重權

面貌豐隆髭滿面
妻兒先損謾機圓

牛不喜羅躔
見土福不綿

土雖朝此地
牛土壽難延

羅睺幾載上金牛
不被囚刑位列侯

暗宿日生臨照命
須知心裏好行脩

羅躔女宿號天巡
牛亥生人立大勳

廊廟之中須大任
其他衣食且平平

女在丑宮邊
羅逢女不堅

女本溫柔宿

首居此述道

羅暉與女喜相聞

雖則貪淫暗又昏

火共土同皆廟旺

朝君恩賜荷明君

羅躔虛宿號天鏐

甲命生人位列侯

身命若逢衣食旺

到頭終是喜清幽

虛星正在此

羅列勢難鳴

衣冠朝北闕

羅立拜嚴宸

神首循行虛宿前

閑事災殃度怕躔

男犯刑傷遭吏責 女主流血復逃遭

羅躔危宿號天樗 此人肥厚更鬚鬚

心機藏事財生旺 自成自立免憂虞

危在子躔此位不隆 初主薄甚祿位不豐

羅睺欲度上危方 不過凶星得命長

祿非橫星茲位立 亦能為福復成殃

羅躔室宿號天躔 為人出眾有威權

作事操持心耿直 酉命逢之是大賢

室天門 首朝天 若居此 鎮蕃宣

羅喉居室最難堪 祿命逢之不用貪

縱有文章高北斗 中年之數五二三

羅躔壁宿號天持 機智文章計出奇

天文立象須榮貴 壽筭多能名譽馳

壁宿正天門 星到此居尊

惟羅為管轄 戴天履地存

羅喉本是逆天行 壁水瑜中祿不延

惟賴木星同守度 方知威武掌高權

羅躔奎宿號天威 情性焦煩不受欺

為人猛烈心剛直 狼貪妬婁足食衣

奎宿正在戌 羅火封侯職

財氣更同臨 入廟多逢吉

天首陽星最喜陽 奎星戌位不為傷

七度以前居亥地 此為陰處可尋常

羅躔婁宿號天誌 抗直傷人兼有義

多招閑事是非多
衣食生來心未遂

婁宿正在戌
羅宿怕相宜

五陰乾亥近
五位正天墀

羅喉婁宿正權星
火土同臨亂世英

膽氣麤豪兼好武
為文終是少科名

羅躔胃宿號天憚
記問淵源性剛直

小人此位亦威權
君子逢之進官職

胃不是廟羅到不宜
日生遇火火滅非奇

胃中神首主陰迷 屈背駝腰怕字齊

若是此星來對照 女則傷夫男尅妻

羅躔昴宿號天靖 出衆機權多好勝

初年湏破晚方成 果毅特持有權柄

昴羅火不明 到此為孤星

息宮終尅子 木同壽終傾

羅喉昴宿最為凶 若無星救身命宮

更被囚刑忌合照 虎狼惡死恨無窮

貴格云羅睺若在昴星鄉 伊尹霍光真此煩

羅躔畢宿號天危 言語猖狂惹是非

尅害妻子君莫怨 平平衣食也隨時

畢宿不宜羅 羅同事更多

田宅因兵火 喪失若奔波

羅睺畢度金烏晦 望夜生人最不奇

此是蝕神長掩月 處心無定事難為

羅躔紫宿號天申 亥命逢之是喜神

家道興隆金玉富
為官應是侍楓宸

羅火在紫位
惟怕水相防

木曜躔箕尾
炁順有相當

羅喉暗曜得人憂
若更來居紫火猴

女落風塵男破蕩
金見好淫盜賊流

羅躔參宿號天津
稟性清閑心洞明

籌策自能知道釋
衆人欽用振威名

森羅萬象中
惟要太陽同

陽明觀萬物

參宿不昏蒙

羅喉躔入晉宮來

參宿逢之主有災

成敗不常財帛散

遭官落獄限中排

羅躔井宿號天空

怒地平生運不通

若得木星同在度

木羅相愛却無凶

井曜首相逢

兩界必無功

火餘終汨沒

水同不甚凶

羅喉慷慨性情和

井宿相逢事若何

身本怒宮未陰位 凡人遇此主迤多

羅躔鬼宿號天昂 心高機變足文章

形貌魁崇肥且厚 子孫應是保安康

鬼宿兩相當 羅來居未方

夜生宜好鬼 逢則必軒昂

羅暎到鬼闕難定 雖負文才少權柄

忽然惡曜與同宮 兄弟爹娘分兩姓

羅躔柳宿號天鰈 愛樂林泉志在山

胷次文章才廣博 猶如僧道喜清閑

柳好月亭兼月亭通羅到為臨必主飄蓬

羅暎躔柳是陰宮 不作祿星定主凶

忽然獨行官福位 若兼火土事難容

羅躔星宿號天圓 命若逢之主重權

兵刑法令堪充任 武選文階兩位全

星曜兩宜羅好午中男受爵祿女則蔭封

羅暎正廟在於星 眼瞋性烈氣豪英

三度之中并五度 職兼文武掌權兵

羅躔張宿號天目 命若逢之多發福

威聲遠播名高強 師相居朝榮貴祿

張宿羅躔 福壽綿綿

羅睺廟度不宜張 相值之時必反常

獨守宮中最高位 不逢惡曜亦榮光

貴格云羅旺正廟獨欣張 出將英聲闡外揚

羅躔異宿號天愚 心毒藏機語不虛

巧妙性情容貌美
貴人親近得安居

巳午本羅廟
在午日居中

到此為輔佐
惟好翼相逢

天首之呈躔在翼
身命臨之招惡疾

頑愚暗昧不堪倫
死落他鄉非舊室

羅躔軫宿號天神
武品之官此位逢

生殺之權心獨任
金吾節度兩般同

軫本水 羅火逢
未亨通 為水衝

羅喉在巳人為貴 軫十三度大安康
土若不來臨此分 妻兒雖尅自觀光

羅喉行度入宮

天首在陽宮星宿三度及箕四度以前為正廟居此
生人主好殺因此立功名官居重權職兼文武法主
兵刑值之者二十年主生殺將相之位 在陰宮昴心
為旺入軫十二度至十五度主為任遠居三品之官
二十年主生殺將相之權見木月在四正宮宜官若

不居廟旺宮但止見木亦宜官與土同宮主大柄見火亦大富貴遷進疾速

日宮主有節操臨事銳多勇猛有貴位主星如居強位必有生殺之權稍得福星之力主有位如無福星臨三方不居強位一生多惡事上立身因此成敗

月宮主文學多色慾有貴位更得諸曜相扶位至三品若無星助三方稍高其人亦有權

木宮主性格聰明足詞多智若入宮度淺畫有位夜

有財入宮度深晝微貴夜微富

火宮為人性急幹事明白好兵權有掌握晝生大貴
夜生有福

土宮為人性凶猛好殺害晝生有福夜生大富

金宮主為人聰俊有威權晝生貴連夜生有福火字
同宮則減力

水宮性格聰慧好文章有才能入宮淺有位深有財

珥玕經節要

天首陽星不宜夜照廟旺除凶資財不耗金木月宮
威權雄勢主順高官顯名榮貴

羅喉同金木二星若主星順廟至英雄貴顯節操重
權

羅同太陽相見有傷不然尅陷衣祿不長或同月曜
刑害亦然旺廟災輕常招訟言

羅喉與日月同宮則有交蝕主尅害父母妻子亦主
衣食艱辛非旺廟宮則多訟厄招是非

羅同土曜晝則興隆夜生共火權掌兵戎晝土羅暎
入廟封侯夜則損壽土逆凶同

羅土二星皆陽星晝居廟旺更順行則掌重權進封
公侯之祿夜則為忌更土逆則凶害

字同羅暎掌握機謀廟旺貴祿餘宮優游

羅同月字主巧性智謀居廟旺主食祿若背則漂流
之人

星居旺地紫炁同行貴而清職顯於祿名縱在他宮

才興名旺壽筭延長福資尤妙

羅喉照臨十二宮

命宮

守照命宮主眼圓神潔形質端厚貌古有神色重骨
堅語音亮大性急怒物臨事有斷義直於人心有謀用
特達慷慨得人欽羨不受人觸小事致惑大事有斷
謹而不慳義而濟物少年省事福祿不堅災難易得
晚歲方有成立五星相扶便為重權官職清顯若五

星在八煞宮及官祿宮皆為貴人鎮諸星而為首背

諸星而獨行順躔張柳統領兵符正入陽宮威權獨

重在命則表儀浩浩照身則容貌熙熙見木宜遷官

進職好官星大煞

戌巳午寅卯辰子丑申酉

君子立身廊廟為官

掌兵食邑萬戶一生榮華金火土孛同入主疾尅害

妻子破壞祖業宜於貴命見之經云羅睺臨命位權

勢自能高少達終有滯財名晚歲牢若然入怒地成

敗屢經遭晝遇限宮見迎恩見貴豪

詩斷羅喉星惡見星君 却見當年在卯寅

更若癸生為祿主 仰觀平步上青雲

羅喉在命若何看 文武兼資信不難

但得一星金與水 若非秉筆即登壇

財帛宮

入廟吉初年破末自立君子吉小人破如是煞方大
耗大破若吉相逢則主橫財○羅照多得衆人財力
若太盛則主有破

詩斷財宮之上是羅喉 得已財時便好休

更若狂圖多富蓄 如何不破被姦偷

羅喉寅午最為佳 男兒白手自成家

平生兄弟渾無力 縱多不若自榮華

何以為人富不仁 只緣財帛犯星辰

星辰不怕逢羅孛 羅孛元來怕太陰

生時獨犯天首尾 不入廟時災咎至

如何財帛積如山 只為此星居第二

有財無產命如何 只為財宮帶孛星

午上孛星午天首 浮財不足稅錢多

羅睺財上多官厄 非人不用相接識

忽然熒孛入宮來 任你嘍囉難計覓

兄弟宮

兄弟三人各胞異姓○羅照須見三人怒宮全無

詩斷第三宮中有羅睺 倖逆乖為可自憂

宗派同源恩義等 只緣凶曜一時休

田宅宮

主父母兩三重或自身螟蛉或隨母嫁○羅照命有
田宅先破後成反不招祖業

詩斷若是羅睺先尅父 得居田宅敗須榮

合得陰人財祿貴 機權方藝定須成

羅睺天首最凶殘 祖業雖多守則難

可惜田園千萬頃 都緣凶曜見闌珊

僧家道舍屋楹多 實然土宿與天羅

田土雖多無屋宇 年年飽食別人禾

男女宮

各胞異姓亦主損子添丁則長子不利○羅照合生
偏子大吉宜求外姓親生者全不得力

詩斷男女如何便榮貴 只為權星皆得地

若教寅午遇天羅 若子若孫長守貴

此星隨處管吉凶 惟有子孫不可逢

除却寅宮并午卯 其餘長養總成空

寅宮羅喉最位強 未必能歸子息鄉

若在子宮真大貴 有兒只是置田庄

羅喉臨之皆下賤 犇馳苟得未為安

六癸生人多足嗣 高攀仙桂定為官

奴僕宮

防奴婢脫悞○羅照平生因奴婢刑剋損命多逃遭
事不宜小人

詩斷天首加臨第六位 心腹親人謹切防

雖然足使奴無主
欺凌偷盜被逃亡

羅喉難與善星交
奴僕之宮逾怒號

假使尊嚴崇道德
反居陋巷自單瓢

妻妾宮

男主損妾女臨夫宮一同○羅照主惡曜之妻中年

方尅

詩斷羅睺凶暗名天首
不占高強對宮守

是惟一世有災迤
孤寡難昏更麤醜

天首和諧多美態 須教遠地始為婚

不然帶祿兼連印 亦因官職有名聞

婦人寅午為夫位 第一不宜逢紫炁

李同羅暎是福星 合照夫榮并子貴

疾厄宮

主偏廢風疾損四肢多官災○羅照有險僻小疾或
於胷脇下有痣大吉須防登高失墜

詩斷天首羅暎第八宮 世間何事此真凶

直饒夜祿重重貴 面也須防有病攻

疾厄宮逢土與羅 一生疾病十分多

直饒紫炁來相助 爭奈家豪常病磨

遷移宮

主癩撲不宜朋友羅字對照多招賊盜○羅照不宜
道路出入防有不良事損陷

詩斷羅喉凶曜號權星 臨照遷移不畏人

得在旺宮為祿主 必因提薦貴榮身

如何破散又離鄉 只為羅暎到戌方

戌是遷移羅字到 漂流外縣置田庄

官祿宮

當官主有威權日水同宮為台座火土同主作盜○
羅照合有主執四方領袖受相職位

詩斷羅暎元是貴權星 四正居強最吉寧

限運逢之多吉慶 更延壽筭祿千春

天首羅暎廟處尋 得臨官祿是奇珍

功著殺伐威聲振 諫諍王庭動紫宸

永主遭逢強又強 天羅此處不相饒

若逢火土金交照 半文半武志英豪

福德宮

為人有權不宜男女同紫木金日月更得地少年榮
貴○羅照多因凶而吉因災而福主立身之事

詩斷天首羅暎為福德 超羣出眾事乖張

合主瘟癘兼盜賊 財空貧賤少年亡

十一宮中天首臨 凶星來照務荒淫

都緣暗曜無威德 故使逢人不仰欽

為人似惡本非惡 天首太陽相照着

官祿若是衝太陰 堂吏撫司兼重祿

相貌宮

為人美鬚髯貌黑○羅照性多損失言語不定得人
憎恠

詩斷羅睺天首臨相方 別為陰德解其殃

更兼忌曜縱橫見 若不相殘即繫梁

羅喉變段星

寶瓶宮天玄星○又名天狼星主貪盜亂世也

詩斷天枵神首太玄星 相呼集貴有佳聲

更在七宮逢吉曜 還須顯赫且高陞

磨蝎宮天鬼星○又名天祿星雄威鎮列九州聲

詩斷煞星天鬼號牛斗 身命遷移浪蕩遊

假使強宮同吉曜 也須破蕩走他鄉

人馬宮天威星○又名天印星主印祿星貴也

詩斷羅睺寅位號天威 掌握威權鎮四夷

此是權星來入廟 揚名何處不光輝

天蝎宮武庫星○又名天卒星主卒亡惡死也

詩斷武庫之星躔至卯 主人心高性情巧

只忌日月此宮中 雖貴雙親須早卒

天秤宮地暗星○又名天柄星主權柄自為執事

詩斷天罡首宿為地暗 夫婦鰥寡主惆悵

不然寄養外人家 父母資財無可望

雙女宮地隔星○又名天巨星大富大祿

詩斷已上羅曜為地隔 八煞宮中成水厄

雖然吉曜與同流 性格輕盈招盜賊

獅子宮龍首星○又名大權星掌握貴權

詩斷午上龍宮真可羨 名至朝參登玉殿

馳名方面掌藩垣 威鎮四夷能制亂

巨蟹宮暗金星○又名天孽星孽毒猖狂

詩斷未上羅喉號暗星 豈知凶禍苦來侵

身命犯之難得壽 輕則孤單鶴髮人

陰陽宮天廢星○又名妖毒星主遭毒藥夭亡

詩斷申宮天廢是羅喉 稟性頑愚少智謀

更犯煞星同一位 陣前戰士更無頭

金牛宮裸形星○又名天章星居官吉謀利徒然

詩斷裸形之曜在從魁 女嫁男婚不用媒

淫蕩無仁無禮節 棄妻傍妾小和諧

白羊宮都官星○又名九狐星主狐媚妖邪事

詩斷戍上都官獄吏神 為人鯁直別尊卑

土曜同臨并四正 一生受祿有君恩

雙魚宮天煞星○又名暴卒星主暴死亡不得善終也

詩斷乾宮天煞是羅睺 怕至陰宮祿位休

若被忌星相照破 更加八煞死荒邨

星學大成卷二十一

欽定四庫全書

星學大成卷二十二

明 萬民英 撰

三辰通載

天尾計都星

總龜算法將羅暎定度加半周天數

計都論

計都為天尾星配屬土之精豹尾黑道之宿也擅行

於天與羅睺相對逆行天道喜則紅鸞天水星怒則為黑煞貫索星遇交於晦朔圓望能掩日月之光

壬生人以為祿主星 甲生人以為囚星

乙生人以為蔭星 丙生人以為刑星

丁生人以為正魁星 戊生人以為印星

己生人以為耗星 庚生人以為權星

辛生人以為暗星 癸生人以為催官福星

此星廟在亥旺在戌樂在寅好在未喜卯巳怒在辰

琅玕經云計都廟旺最難逢婁宿宮中祿更豐躔柳
在身知職貴到寅生夜主名雄榮華更在昂心宿高
旺須同金木宮十一位中尤好處生來多事不成凶
○賦云計都臨戌亥之位官至左右僕射洞微歌云
計都之星喜戌亥餘位之中不可逢此星樂與木炁
相會可為貴品威靈節操文武兩全歌云天尾星辰
會炁木能解災殃偏主福只是孤尅又云計都之曜
不可聞難為兄弟及兒孫若得出家身最貴總為學

士兩三分若陷沒與火土字忌囚之星同宮主下流
凶殘夭折刑法破害少男少女少資財多病多逆多
口舌若照身命宮則主橫死或主身雕青六根不足
賦云計都照身值溺水兼於毒藥又云計都若臨獅
子位須遭五法又云頻遭患難暗曜入於月宮若獨
行廟樂之宮照臨者則大貴六壬生人以水為天官
正祿與之同宮則吉

計都歌

計都本名凶惡曜雙女魚羊為好廟面顏似火膽如

神骨相堂堂麓勇貌有心機多巧妙夜同陰宮宜守

照

計都乃凶惡之星好躔雙女雙魚白羊之宮為好廟

聲名顯赫有威風掌握

兵符權最要在他宮力半効聚散資財立身開

計都在廟

地有聲權掌握兵符在他宮減半力資財聚散開處立身

經求博筭及屠沽心膽

情懷多執拗

計都主博筭經求

見日月真好笑父母無終深

可弔金來妻妾被人傷土火徒流遂堪料水來盜賊

不良人木紫凶中為吉兆

與日月同父母惡死金同妻妾傷土火同徒流水同

主盜賊不凶值
木煞凶歹吉

李同折首最為凶財帛之中多計較

三宮昆仲惡中亡四位舍居魯火燎

在三宮昆仲無
在四宮居舍被

火燒子宜外姓及偏生六位不堪乘馬跳七宮妻尅兩

三人疾病躔身難治療

計都在五宮宜異姓偏生在
六宮不宜乘馬七宮尅妻八

官主疾官祿如逢獄裏亡十一宮中偏不紹陷宮十二

相不全此經妙處真玄妙

神尾元來號計都惡星同位必凶徒同宮煞炁反為

妙縱有衣糧身也孤○天尾一星無大凶最愛加臨

福德宮若居疾厄仍舊疾若在妻宮妻父窮○羅喉
交日計隨交天尾同位主分第申人若與孛同酉四
星居位真神首○羅喉居午計居子子丑生人初主
福煞人生辰計在時子孫大貴命先危○為人性恠
及奸邪壽短元來不用嗟多是此星在高位自然為
事定和諧○戌人戌上見其辰以戌為時富貴人生
日命中羅孛到謀名謀利兩艱辛○辰戌魁罡坐計
羅初年謀事若弄波三合火星并土宿年耐虛名不

貴何○北人時日晝南方羅南計北不空亡官祿太
陰本高貴紫星辰已定田庄○癸人甲乙盡居前計
都在日是牛田只怕太陽并土宿若教登第便逃遭
○計都紫炁若同歸戌已生人喜得之土與太陽同
戌位有宮無祿亦堪悲○婦人計都尤為祥若居廟
處十分強賢德克家生貴子只愁老去卧空床○土
命計都入辰土此方近廟家資富安次辰巳日時生
方主壽高終辛苦○神尾為名少有朋本來天上一

提刑人如得地逢之者何慮前程事不成○計為凶
曜本麓才細膩偏欣木炁來若在廟鄉逢着此更居
陰位不成災○計同日照疾偏多投藥無如患難何
陰毒生來偏妬忌更能快口起風波

計都臨喜怒宮

喜宮名為紅鸞天水天索星主形神寬大為事慷慨
心有惡毒只宜在命及官宮須為官職在別宮若為
僧道方可壓若無吉星相同常人必主不測非刑死

輕者減壽筭貧賤之輩亦不宜入身宮主少年尅母
兼母有疾應水火厄及五般疾不然亦在外方破敗
惡死有救星減三分若戊己生人必為顯官

怒宮名為毛頭貫索星煞星主作事不知前後暗昧
愚癡照身命無救星祿馬落陷主流配數千里外惡
死若為僧道可以減災亦主夭壽婦人產厄

計都躔宿俱出玉關經玉關歌

計躔角宿號天衝 五星逢之立見凶

惡暴性情尤毒烈 促壽猖狂必法終

計躔角宿宮 有始亦有終

辰上計雖怒 角印不生凶

計都正照臨於角 不論晝夜少才學

常人主病及官刑 有位定遭官職剝

計躔亢宿號天戈 軍陣成功福未多

不是軍戎并健輩 定須自縊與投河

亢躔天尾入則富貴男有功名女有封位

計都在亥未相和 縱有才能阻亦多

惟利木來并旺土 稍居定疊免奔波

計躔氏宿號天通 東出尤宜十度中

若對命宮聲遠著 更逢吉曜福豐隆

氏為暗曜在柳六度若在辰宮貴曜福履

計都東出至於氏 十度之前防女妻

更是命宮相對照 青春發早正斯時

計躔房宿號天迤 難為兄弟與兒孫

晝日陽宮定應破 不爾須交見一門

房計廟日兔 與天尾相宜

若計躔到此 一生不奔波

房中亦喜計都臨 志大心高樂夜陰

產業資財承祖力 老來猶自性沉沉

貴格云尾曜房宿號樂區 萬里揚威真尚父

計躔心宿號天嗤 狡猾無凶出賤微

性急心高難耐事 須知天壽少年時

心喜計屬土

土餘在卯宮

在卯應見土

得水性相從

計都之星頗類火

夜樂於心多急禍

交讎宿怨不興慈

晝見之人難得可

計躔尾宿號明星

百計千方巧性存

若是火同身須貴

自然文學二三分

尾寅計都入

三陽則生嗔

寅艮火生位

到此號凶神

天尾一星憂入命 來居最吉躔在尾

必招悖逆不孝兒 不孝皆因先自己

計躔箕宿號天都 不招祖業自身孤

心中巧計尤狡猾 此人衣食也無餘

箕怕計 福難堅 水豹有財只壽難延

人道計都喜寅地 躔來箕地宜修進

清高食祿有威權 日曜凶星惡死定

計躔斗宿號天梁 智慧聰明子息強

會得文章須近貴 文學須教播四方

斗上計星到 到此則爭妍

鎮星同入廟 災散永安然

計都性急好遊走 夜旺二十四度斗

土同炁月富貴全 若非常流當獨守

計躔牛宿號天常 丰采堂堂性格良

更得善星同在度 垂紳播笏侍君王

牛宿躔計廟樂相并為人多福温厚信誠

計都喜立在牛旁 眉目分明性善良

禮貌溫恭人急速 官資卿監祖宗光

計躔女宿號天遷 為福須為土地官

躔在度初大為貴 遷官疾速定非難

女計號金鑾 金鑾福最難

煞星在身命 妻位不相安

計都偏動女人心 亦主奸邪亦主淫

暗時是非迷酒色 何須分度再逢金

計躔虛宿號天流 父母湏逢骨肉仇

若見孛星同會死 定知處處夜行偷

虛喜計土為廟樂宮惡星若入爭雄反凶

若論虛中逢着計 值此星人多作贅

不為僧流却無家 亦主俗人相牽制

計躔危宿號天游 衣食艱辛事事憂

尅子損妻身破散 平生孤苦未應休

危計到老無末福 妻兒孤尅更無成

計都奸濫上危門 金水相同亂若紛

男在妻宮男淫女 女守夫宮女必犇

貴格云天尾虛危偏福厚 保安皇祚不傾危

計躔室宿號天真 性烈官卑位不清

若得水星來救助 為官七品至公卿

室號天堂計福異常若為廟地惡不相妨

計都室宿號高強 大貴權星吉又昌

三合若逢奇曜照 少年遷職佐君王

計躔壁宿號天魚 四度之間十度居

正廟之中官極貴 十年之內位金吾

壁星此地號天衢 計都躔此福偏殊

祿主祿元同度內 少年衣祿佩金魚

計都本是到雙魚 正廟之中壁水猷

四度以前至十度 身當極貴宰臣居

計躔奎宿號天雄 水月逢之官必榮

若逢火土凶星照 亂世英雄不善終

奎星在戌計居多憂到此不輔沉埋悲愁

計都若守在奎中 五度生人主智雄

不論陰陽并晝夜 貴星亦要吉星同

貴格云計都若臨奎宿度 掃淨妖孽定封侯

計躔婁宿號天垣 旺廟之中定主權

體貌堂堂威望重 將相論功二十年

婁躔計 月朦朧 若土同入不天終凶

尾宿亦喜白羊宮 婁宿逢之亦貴重

才智過人身烜赫
夜生方得祿豐隆

計躔胃宿號天刑
日生更逢火來并

若不雕青文被面
定須犯法必為兵

胃戌酉 計為廟
只要在 初度照

神尾行來西沒宮
胃土雉中不可逢

十度以前尤可怕
尅妻害子見重重

貴格云計都最喜躔經胃
秉鉞分符除僭偽

計躔昴宿要星扶
初限元來懶讀書

只可就來刀劍上 將軍位上至金吾

昴酉計到 必至紛更

兼是土金終有敗 初逢火曜兩爭衡

計都喜酉臨於昴 夜照為榮同吉曜

智謀雄略衆人推 性急才能多計較

計躔畢宿號天征 呼為天上一提刑

若還得地逢之吉 必定前程有大聲

計躔畢 晦朦朧

女則昏淫男好色 其人機巧又孤窮

四七宮中忌計都 那堪更犯畢中烏

長則離妻幼尅母 平生處性甚虛無

計躔背宿號天扶 僧道之人豈是孤

若見財星三合照 不是牙人作販夫

散好計來躔 為人尊而安

神尾散宿不可逢 水金相遇在其中

身命值之誠可畏 男人淫蕩女私通

計躔參宿號天歡 水星得遇定文官

庶俗若逢須忌此 定知毒惡見傷殘

參計福元清 得炁同度臨

計入財當盛 加木福尤深

計都性行亦為良 參水猿中值可傷

晝遇之人尤短壽 夜生最喜在高強

計躔井宿號天衝 命裏逢之立見凶

若在祿宮尤見喜 提兵百萬逞英雄

井在申未位

計到井難容

得木在秦地

天尾不可凶

計都執性多貪酷

未申井度皆孤獨

男主雙妻女再夫

幼年傷尅難為福

計躔鬼宿號旌旗

威武兵權立見機

君子逢之官品貴

小人刺面有凶危

鬼計福相當

二星好共行

陰鬼自然散

安命更軒昂

計都躔鬼有風癘 斬指屠兒傷害多

若臨男女并田宅 晝生離散奈愁何

計躔柳宿號天災 命裏逢之大見乖

骨肉分離財破散 父南子北不和諧

惟是柳星在午宮 十三度裏不宜逢

更有土星并木曜 若來同度最為凶

計都柳土度中居 尅陷妻兒萬事虛

夜生偏喜月榮貴 離倫絕類自超殊

計躔星宿號天鞍 命若逢之有祿官

庶俗若逢文秀士 凶星如見刃傷殘

星逢計宿此來遊 星火明而計必愁

星火凶星嫌晦曜 一生不吉只多憂

計都星上日休同 晝夜生人不可逢

此是蝕神傷犯分 目不盲時耳也聾

計躔張宿號天狐 妻子身邊一箇無

疾病耳聾并眼疾 貧窮困苦莫嗟吁

張不喜計必主逃遭月不依土主難還鄉

天尾來臨張月鹿 毒害奸貪情性酷

日生弱地不為宜 夜見強宮未為福

計躔翼宿號天蛇 性毒心凶身刺花

更兼惡事重重見 不然心亂好淫邪

惟有翼星不喜計 翼火蛇行計自通

蛇有尾兮能履地 初生三度却無功

計都晝見翼宮傍 破祖須宜兩父娘

勞心勞力身無暇 為人性氣亦猖狂

計彊軫宿號天強 官職須教訓練場

節度兵刑須大位 才猷奮迅佐朝堂

軫宿計妙最高位 却喜計都來相纏

若是福財兼祿主 高強入廟兩爭先

計都在天為暗曜 軫水一度為正樂

眉踈目秀委權尊 雄銳英才多有効

計都行度

天尾在陰宮雙魚軫十三度十度以前至四度值之者官位清高合居廊廟掌國家兵戈財帛錢穀出納之權如在高位四十前發如在低位晚旺十年性不利父母兄弟若在軫璧三度居東出西沒官為三公職封王侯福祿及子孫也陽宮白羊亦在貴位旺十八年仍湧在四正宮若在諸位見木日即吉在下是火土為亂是英雄必不善終若在東出西沒主尅妻前尅凶妻

計都入宮

日宮主為人重厚作事超羣入位淺諸星在有力位
上其人大貴三方主在稍高位者多因賊害成事乃
貴達

月宮主有心機作事明敏

木宮主性聰慧更作強宮主貴晝生轉加福力

火宮主為人性急好行凶惡事一生多被人暗損陷
在心宿其人有殺伐之權不居此宿微有職

土宮主為性拘執作事能審是非得暗昧財成富
金宮主為人好爭鬪多口舌因婦人致厄難得善星
救之可免

水宮主有少年多災善星救之可免晚年有祿

琅玕經節要

計乃好勝貪求之星惟宜夜照福祿贏餘紫木炁同
清俊顯任旺廟陞遷祿財榮盛

計都與紫木二星同居旺樂不分晝夜皆主顯官清

俊之任財帛豐盈子孫榮旺

水計相逢成敗重重為性不定共處難同

水同計都多奸猾好訟便私不可同交友共立事亦
多成敗

金字同行夜照權名畫人多難險難招刑

或見金同或與字同夜人居旺主武職貴顯若科名
高亦主文科顯祿之人畫逢則主犯刑招險不忠良
之人

計都同土晝益財利夜生對照經營迤滯計同日月
父母多別主背身低貧窮下劣

計同日月多刑尅損頭目促壽傷父母成敗多更若
主星不照即窮苦下賤之人為性不常

火計夜照宜居廟旺生殺威權兵符可詔忽若逢晝
變為凶曜福臨救之蠲災免害獨宮夜照權要自大
計都臨照十二宮

命宮

守照命宮主頭圓眼急貌稜心麤眉小耳大形瘦武
勇身多毛聲音焦烈先瘦後肥性急不耐觸心高性
烈喜鬪貪求每慳小棄大執事不回為謀奸猾千方
百計高談闊論頭妻有子小得全成主旺高強財祿
榮發與善星扶合在廟宮為祿主可為貴品威聲節
操文武兩全守照命宮居官清顯榮達職位彌高白
日見之災憂一世經云計都臨命照性暴逞才能背
祖身孤立依高附勢行初年災禍重晚歲福宜生夜

逢孤位照家門財業成

詩斷計都暗曜最凶星
金水加臨名望振

何故有官不赴任
只為計都入天秤

計都守命衆星扶
初限元來懶讀書

才氣無雙真可許
將軍湏到佩金魚

計都在命孛相尋
女破家風必好淫

但有善星相照着
侯門歌舞遇知音

天尾之星人牢名
呼為天上一提刑

六癸壬庚并入廟 前程必定可相成

財帛宮

取財如緣木求魚水中逐鹿近大財使大財隨得隨
失初年成敗中末主却旺○計照財帛無成立見財
須有惡事破敗

詩斷天尾加臨第二鄉 勞心只為置田庄

莫教土字同來位 翻令手足播馨香

第二宮中犯計都 一生財帛總成虛

更有柳星同一位 若不貪婪定主無

兄弟宮

兄弟不得力若獨行兄友弟恭○計照多須見三人
少全無

詩斷兄弟宮中有計都 參商義薄有嗟呼

直饒四海皆同氣 各自營謀各自居

最是己亥逢羅計 羅主尅兄計損弟

男犯羅孛女計都 男尅妻兒女尅夫

田宅宮

主父先亡不受祖蔭一世茫茫自立家計有吉星照
者只得二分田宅有炁來傍照則不以此論○計照
一主不招田產及因子孫營立

詩斷強宮之上計羅侵 福祿消亡禍日深

祖業到頭都不守 虛勞計較沒身心

男女宮

男女希少若見早則全尅宜晚年則主一子縱有子

多所謂貧家骨肉不相和睦不然亦主是少在壁宿
大貴有福力○計照合偏子大吉宜求外姓親生全
不得力

詩斷計都或居五宮中 子息生來一箇無

若問陰人須寡婦 如推男子即鰥夫

第五宮中遇計都 男兒箇箇要樗蒲

在寅戌申并酉上 娶得妻來盡尅夫

奴僕宮

常被奴僕脫悞及防小人欺詐○計照平生不可乘
騎有墜跌之厄

詩斷計都有妾便為妻 失財連併及災危

下陵上僭不安分 須教厄難馬前哀

弱宮之內計都侵 不見為凶百禍臨

縱使機關多智慮 虛勞半世沒身心

妻妾宮

臨妻主亂經云計都紅鸞星一名號天尾一妻不到

頭二妻不到尾若娶第三妻亦恐無終始又云三十年前不問妻三十年後不問兒縱有還須生死別黃金也亦化為泥若妻有惡星相抵則無害又云計都第七位賤女聘為妻不賤須重嫁他時不可知主以賤女為妻年高可免尅凶星產厄脚手有疾○計照主妻自刑惡橫死亡

詩斷計都暗曜莫相逢 何況加臨對命宮

舉止乖張饒害尅 定知造物不相容

疾厄宮

土水疾多突壓身危又云主氣疾手足刑破字同瘡
瘕盲聾金同雕青痕疾○計照主十相不具或行步
搬移有天災之厄

詩斷次弱之宮名疾厄

計羅守此多刑責

若逢吉曜更加臨

無病却為衣食迫

計都一曜最凶宿

威馘炎炎是窘迫

得臨疾厄第八宮

貴賤逢之須病足

遷移宮

不宜遠出守祖業則安若為官遇他州亦主有權又
忌水火災厄不宜兄弟朋友小人為劫奪之患○計
照招方外卒暴不利改動作事

詩斷計都天尾照遷移 利害之端仔細推

出外迎祥因廟旺 不然平照定傾危

遷移排在近弱宮 第一凶星不可逢

偃蹇勒停兼破祖 方知計字在其中

官祿宮

食祿遲晚四十以後方顯達常人得之主遭無頭公
事官刑主有血光之災初主不好中末主方好君子
吉小人犯刑殺死又名剝官煞居官進職及足有疾
○計照不可與他人作保識多被別人事犯重罪之
災

詩斷計都之宿最凶殘 官祿逢之利害間

若在廟方湏貴重 廷諍天陛逆天顏

羅計臨時必主凶 不然身計係於公

若被字星同守照 徒流身寄異鄉中

五星併位居官祿 生處英豪多五穀

若逢太乙來照破 上官赴任定不祿

福德宮

多主反覆纔有好事反成凶兆亦主多計姦巧壽短
刑破○計照不可與下等人交往多惹是非與小人
同謀損陷身事

詩斷天之首尾臨福德 平生凶事反為吉

坦然不忍妄加人 患難尤能拯危急

天尾計都來到已 入廟之宮當巨富

只愁土字更同行 南北遷移無處住

相貌宮

形神醜惡面貌古恠骨大肉小顏色多惡少善貴而
有權亦主暗疾貪花不然以婢為小妾○計照性多
損失言語不定得人憎恠

詩斷計都在後命在前 陷溺之宮豈作權

假使貴榮當顯要 亦湏體貌不完全

缺唇生瘦并天刑 十二宮中三箇星

子戌未方為福德 却遭首尾字同行

計都變段星

寶瓶宮黑道星○又名悲怨星主哀怨悲傷

詩斷欲知黑道在何宮 子位計都不可逢

八煞命宮遭毒藥 可憐短命喪兒郎

磨蝎宮伏殃星○又名孤尅星恓惶尅害六親

詩斷計都為惡伏殃星 丑上逢之最不仁

作事陰謀凶且狠 土人得此不為逃

人馬宮悖逆星○又名卒中星暴卒惡毒呪咀

詩斷計都不入三陽宮 人馬宮逢悖逆星

田宅宮逢人不義 更加三五轉無情

天蝎宮祿昌星○又名天疾星腰駝跛脚刑害

詩斷計都却喜卯中藏 四正宮中號祿昌

兄兄弟恭仁又義 家風榮盛性溫良

天秤宮天嗔星○又名刑吊星喪吊臨身

詩斷神尾逆行大不順 若居辰上號天嗔

一生為人心路險 切忌雷傷虎豹驚

雙女宮六陽星○又名虎印星主虎豹印祿也

詩斷太乙宮中喜計都 處身廊廟得安居

君龍臣兮臣盡節 揚名鴈塞到中書

獅子宮枉亡星○又名哭泣星主憂煎哭泣也

詩斷枉亡星宿在於離 神尾居之大不宜

魄散鄂都年不永 更憂狼藉損妻兒

巨獬宮白衣星○又名天孛星主刑獄禁繫也

詩斷未上白衣事不堪 陰宮凶吉兩相參

強宮吉曜同為福 第七宮中妻見三

陰陽宮地燾星○又名天妬星陰謀妬害

詩斷陰陽神尾為地燾 此位逢之不為福

身命四七十宮逢 男女同臨受孤獨

金牛宮天蝕星○又名喪厄星喪吊哭泣臨門

詩斷酉中日月怕同臨 妻妾宮逢有異心

更犯太陰娘早尅 太陽父位少光陰

白羊宮天符星○又名天正星得權祿馬之貴

詩斷天符河魁神尾喜 雖逢惡曜即為災

四正七強俱發福 不求名利自然來

雙魚宮六喜星○又名天遊星主遊冶孤虛之福

詩斷計都休作凶神位 躔至雙女六喜神

文章筆下龍蛇走
却作驚天動地人



星學大成卷二十二